





LA

H A R A N G V E E T  
proposition faicte au Roy  
sur l'ynion de toute la no-  
blesse Catholique de France  
Presentee au Roy.

*Par Monsieur de Mande Archeuesque  
de Bourges.*



A PARIS,  
Pour André le Coq, rue du  
bon Puis.

M. D. LXXXVIII.

Case

F

39

, 326

158866

THE NEWBERRY  
LIBRARY

2121 A

Dear Sir,  
I have the honor to acknowledge the receipt of your letter of the 10th inst.

Yours faithfully,  
J. D. F. XXVIII.



# AV ROY

**S**IRE,  
Dieu Tout-puissant, & Eternel est le  
vray Roy, non seulement de la terre,  
mais du tout vniuersellement. Qui à  
créé & disposé chacune chose en son  
ordre: & y à constitué vn chef & cō-  
ducteur, comme vn seul Soleil au  
Ciel. Et pour quelque representa-  
tion de sa grandeur & diuinité, il à  
estably sur le peuple les Roys tres-  
bons & tres-puissans: bon pour bien  
faire à tous: & puissans pour chastier  
les meschans: dont anciennement  
estoient nommez compagnons des  
Dieux, & enfans de Iupiter, ce que di-  
soit Vespasian ordonnez fatallement  
& pour difference des autres hom-  
mes en l'escriture sainte nommez



Anges de Dieu, où Dieux secondaires,  
 ou lieutenans de Dieu executeurs  
 de sa volonté, & conseruateurs de  
 ses tres-sainctes Loix, pour la prospérité  
 desquels naturels du Royaume, fut  
 commandé aux enfans d'Israel de  
 prier Dieu: a eux, le peuple se doit  
 rendre subiect comme au souuerain  
 & aux Princes & gouuerneurs,  
 tant qu'ils sont commis & auouez  
 des Roys qui ont toute puissance.  
 Ainsi nous François vos tres-humbles  
 & tres-obeissans subiects, vous  
 recognoissons pour nostre naturel  
 Roy & souuerain seigneur; & vous  
 supplions d'auoir pour agreable  
 l'obeyssance & fidelité de ceste  
 Noblesse, qui veut & desire fermement  
 vous seruir, obeir, suruenir à  
 vos affaires, & employer ses biens  
 personnes par vostre commandement,  
 pour l'augmentation de la religion  
 Catholique, Apostolique & romaine,  
 contre tous ceux qui s'y voudront  
 opposer.

Sire, ie vous feray entendre les do-  
 leâces de nostre estat, apres que brie-  
 uement ie vous auray discouru dont  
 il est venu. Les Nobles ont esté ordō-  
 nēz de Dieu, pour la fidelité & obeis-  
 sance de leurs rois, & la defence de  
 leurs subiects. Dont disoit Iob, qu'il  
 estoit craint comme vn roy : & en la  
 republique des Israelites furent insti-  
 tuez septante des nobles & plus ver-  
 tueux pour estre la force de tout leur  
 pays : & ne se trouue deuant les cere-  
 monies des sacrificateurs Caldees, &  
 de Numa, qu'en la republique y eust  
 autre estat que celuy de la Noblesse  
 & des Artisans : & mesme Romule  
 n'en feit que deux, puis adiousta les  
 cent Senateurs : & nous semble voir  
 le corps humain, ou ny à que deux  
 parries principales, la teste qui nous  
 represente le roy, & le cœur qui est la  
 partie noble : desquelles si l'vn ou  
 l'autre est blessée, il n'est possible que  
 l'homme puisse plus viure ou estre à  
 son aise. Pareillement au ciel le soleil

& la Lune nous representent le roy,  
& la Noblesse, tellement que quand  
aduient eclipse d'entreux, toute la  
terre en demeure obscure.

Sire, vostre Noblesse Catholique  
vous aduertit, que ce n'est moindre  
felonnie & crime de leze Maiesté, de  
dissimuler enuers son Prince le bon  
conseil, que de l'offencer en sa pro-  
pre personne. Pour ceste cause i'ay o-  
sé sur l'occurrence de vos affaires vous  
aduertir de quelques poincts, que i'e-  
stime appartenir au bien de vostre  
Maiesté. Laquelle ie supplie très-hū-  
blement prendre en bonne part si ie  
luy parle d'une voix libre & franche,  
sans déguiser ny ombrager la verité

SIRE, voz affaires sont aujour-  
d'uy reduites à tel point, qu'il faut,  
ou que vous parueuiez à vn honneur  
souuerain & gloire immortelle, ioin-  
cte avec tout le bien de la Chrestien-  
té & retablissement de vostre Roy-  
aume en sa premiere splendeur, ou  
que vous chéiez en extreme danger



de voir la ruine totale de cest Estat, avec ignominie perpetuelle. Ce qui vous rengen à telle necessité, est par ce que tous les fleaux de Dieu, toutes les verges & malediCTIONS, qui ont accoustumé briser les Royaumes, battent aujourdhuy le vostre: voire de si grande furie, & de si long temps qu'il ne luy reste plus maintenant esprits ne force, pour porter plus long traict son mal: si soudain ny est pourueu à toute force & d'un bras rude & puissant & avec grande sagesse. Vous d'un costé l'heresie, les sectateurs de laquelle ayans sappé depuis trente ans vostre Royaume, tât à force decouuerte, que par monopoles secretes insistent plus furieusement que jamais, pour abbatre la paroy qu'ils ont esbranlee, & parfaire la ruine qu'ils ont encommencee: & à fin que vous entendiez que c'est à vous qu'ils en veulent, ils l'ont publié haut & cler en leurs liurets diffamatoires, Par ce il ne faut pēser les reduire par

indulgēce, benignité, ou grace quelconque, que leur puissiez faire. Ils ont donné leur cœur, leur foy, & leur volōté aux chefs de leur heresie, qui les ont tirez, comme ils disent, des prisons, des feux, des gibets, & d'entre les mains des bourreaux. Or qu'on ne se trompe, qui ne voudra, leur cōiuration est tres grāde, nous l'auons veu par experience en ceste annee 1587, pour nous auoir derechef fait venir vn estrangier barbare, pour acheuer de ruiner vostre pauvre France. Sathan n'a rien mis en arriere de ce qui se peut excogiter en m'eschaceté pour les fortifier.

D'autre costé le peuple Catholique est merueilleusemēt refroidy en l'amour qu'il portoit iadis (sur toute autre nation) à ses Princes. Ce qui est aduenu pour plusieurs cause, mais principalement, par ce que ceux qui ont manié l'Estat, ont introduict & authorisé les plus blasphemantes heresies, que oncques furent: & ont cōtraint

traint les Catholiques, non seulement souffrir tels scandales, mais encores d'embrasser les heretiques mesmes : & vser familierement avec eux contre le commandement de Dieu. Et le comble diniquité, qui plus à estrangé du Prince les cœurs de son peuple, à esté ceste indignité, qu'on à faict payer par contraincte aux Catholiques és armées des heretiques, & que on à veu estre aduoué pour le seruice du Roy, tous les execrables forfaits d'iceux heretiques, comme d'auoir demoly les Temples, destruit les autels, occis cruellement les Prestres, commis vn million de sacrileges & inhumanitez barbares, outre qu'ils ont rançonné infinité de Catholiques, enuah leurs troupeaux bruslé leurs maisons pillé & rauagé tous leurs biens. Et telle vastité, ruine & desolatiō n'a point esté de trois mois ny d'un an, il y a vingt cinq ans passez qu'elle cōtinue sans que ceux qui manient l'Estat y ayent donné

aucun remede. Dont il est aduenu, que mesmes les plus patiens Catholiques, lassez de si longue & si cruelle persecutiō, ont perdu peu à peu l'esperance d'estre soulagez à l'auenir. Tellement que plusieurs sont tōbez en se desespoir de ne se soucier deormais ny de Roys ny de Princes, & de se soustraire, s'ils peuuēt des charges & obeyssance qu'ils doiuent, se disposans à tout ce qui en peut aduenir, & prenans pour maxime qu'ils ne peuuent pis auoir, que ce qu'on leur faict c'est le vice des hōmes que les Prophetes mesmes remarquent, disans. Quand l'homme aura faim, il se courroucera & maudira son roy, & son Dieu.

Pour le regard de la iustice qui est le premier firmamēt d'un royanme, l'ancre d'un estat, & le principal lien de l'amour & obeissance du peuple enuers son Prince, elle est non pas à demy peruertie, mais totalement estainte & perdue, L'iniustice de ce



Royaume est la racine des autres malheurs, qui y sont entrez. C'est la mere & la nourrice, qui les y entretiennent C'est celle qui les destruira. Car l'escriture ne ment point, par laquelle il est denoncé, que les royaumes pour iniustice seront transferez de nation en vne autre.

Il seroit long, Sire, de vous représenter tous nos malheurs particuliers. Iadiousteray sommairement, que plusieurs maux sont débordés sur ce royaume, que tout le monde y est corrompu, de plusieurs pestes mortelles, que la vertu & l'honesteté en sont bannies & chassées, que toute iniquité, toute ordure de paillardise & abhominatiō y est parvenue au comble. Bref que tout y tombe en ruine tellement qu'il faut, ou du tout desespérer de c'est Estat, ou mettre ordre à tels maux, & soudainement sans plus attendre, Car la maladie est extreme, & la possibilité d'y remedier est limitée à fort peu de



temps , ſçauoir eſt à liſſue & reſolution que vous donnerez à ces Eſtats deſquels tout voſtre peuple attend le ſoulagement de ſon affliction, S'il n'eſt frustré de ſon attēte, & ſi vous ne le cōſolez à ce cōup par quelque reformation: ſi ceſte aſſēmblee eſt rendue illuſoire, & ne produit vn fruit certain & très-apparent, vous perdrez le reſte de la Foy, & de l'amour que le peuple à encores en vous.

Or, Sire, ſi vous voulez ouurir voz ſens, & deſployer les dons que Dieu a mis en vous, & vous en ſeruir dextrement. Je ſuis aſſeurément eſleué en eſperance tres-grande, que vous le remettrez en nature, & le ſauuerés du peril de ce trop eminent naufrage. Et vous ſoit le premier eſguillon, ce qui eſtonne aucuns, la difficulté, l'endurciſſement & obſtination du mal qui eſt enraciné, & qu'il conuiēt vaincre. Cē vous eſt matiere de gloire d'autant plus grande: & la couronne de voſtre victoire en ſera plus

trionphante. Et puis Dieu ne monstre iamais tant de necessité à vne main, qu'il ne monstre aussi tost avec l'autre quelque prompt & salutaire secours: mais c'est à ceux qui l'inuoquent en verité. Partant. Sire, pouruiuez ce chef d'œuvre excellent. Il vous appartient: la vertu est assez grâde en vous pour en venir à bout: la gloire vous en est presentee d'en haut: la necessité vous y contraint.

Le premier moyen qu'il conuient tenir c'est qu'il vous faut adioindre à Dieu. Car comme vn pieu, si biē fort il n'est fiché, & n'adhere ferme à quelque chose plus forte, tout ce qui est appuyé sur luy ny demeure pas long temps, ains pour peu qu'il soit esbrâlé, luy & tout le fardeau qu'il porte s'en va incontinent par terre. Pareillement aussi vn roy & souuerain seigneur, si fermement il n'adhere & se tient à son Createur, il ne peut confister long temps que luy & tous ceux qui dependent de luy, ne soient bien

toſt ruez en bas. Adioignez vous diſſe à Dieu : car voſtre dextre eſt trop foible pour ſubiuger tant d'ennemis, ſi elle n'eſt ſouſtenue de la vertu infinie de Dieu. Chassez de vous toute triſteſſe, & Dieu vous preſtera main forte & inuincible. Il vous baillera la lumiere, direction & conduite, pour mettre à chef vos entrepriſes, & vous faciliter les impoſſibilités meſmes, ſi vous conioignez à Dieu. Le premier de vos ennemis qui ſe heurtera contre vous, y trouuera vne telle ſolidité que de la repercuſſion, il ſera brifé comme vn pot de terre, & tellement aneanty, que les traces meſmes en ſeront effacees. Et quand a moy ie croy que Dieu leur aura endurcy le cœur, comme iadis à Pharaõ, pour recommencer nouuelle guerre, afin de les exterminer du tout eſtans reprouuez.

Le ſecond moyen qu'il vous faut tenir, c'eſt que és guerres que vous entreprendrez, vous ayez en obiect

perpetuel de venger, non les iniurés à vous faictes, mais l'honneur de Dieu. L'escriture nous a enseigné que le roy est cōme l'Ange de Dieu, pour ouyr le bien & le mal, & ne se doit point esmouuoir pour benediction ou malediction. Je ne doute point Sire, que Dieu n'ait du tout attaché vostre cœur en vne droicte affection & bon zele de seruir à son Eglise: Mais vous vous laissez imprimer en l'esprit vne crainte des ennemis de Dieu, causee par vne deffiance mauuaise. Il ne faut plus dissimuler les iniures faictes à l'honneur de Dieu, pour lesquelles seules venger, vous estes roy, vous pensez par là destourner le mal qui est en la France, & vous y courez de droit fil. Ce mal vous aduient pour donner trop de credit à certains discoueurs Politiques, qui ne sentent que la terre, qui ne meditent que choses vaines, lesquelles l'esprit de Dieu ne repose point. Arriere de vous telles gens. Si



vous voulez appaïser Dieu, suyuez  
l'exemple du roy Dauid, qui dit, que  
les commandemens de Dieu, ce sont  
les gens de son conseil. Que si Dieu  
ne garde le royaume, pour neant veil  
le celuy, qui l'a en garde, ny la force  
des soldats, ny l'assiete inexpugnable  
des forterefsee ne pourroit empes-  
cher ce que Dieu auroit decreté cõ-  
tre vous. Lequel quand il est cour-  
roucé, enueloppé de tous costez par  
mille aduentures, lescõseils humains  
tourne en vn moment ce qu'estoit  
dessus dessous: & deuant toute chose  
arrache violement l'entendement  
mesmes. Voyez vous pas que depuis  
que l'heretique n'est plus puny en  
France, comme il en est prins, & préd  
encores à vostre estat. Ceste maxime  
est tousiours vraye, que ou le crime  
de leze Maïesté diuine ne sera puny,  
là le crime de leze Maïesté humaine  
viendra à n'estre plus crime. Fichez  
donc l'ancre de vostre Estat sur Dieu  
seul. C'est luy qui conduit les roya-  
mes &



mes & Empires par le milieu de chaque nation, selon son bon plaisir, & les y retient tant qu'il veut. Donnez ordre de l'auoir propice : il vous favorisera si vous deffendez son Eglise, & si vous ostez du milieu l'heresie qui la persecute.

Leglise de Dieu, c'est l'Eglise Catholique en laquelle vous auez cest honneur que d'estre vn grand roy. Et cet honneur est le plus grand que vous scauriez auoir en ce monde. La racine de ceste Eglise est au Ciel. C'est elle qui maintient l'estat du monde, sans les prieres de laquelle la machine de c'est vniuers ne dureroit vn seul moment de tēps; & tout ce monde iroit en confusion. Iadis vos predecesseurs rois sont allez chasser & destruire les heretiques & mescreans iusques en Afrique, iusques en Asie, iusques au bout du monde, & ont prosperé. Voulez vous aujourdhuy souffrir au milieu de vostre royaume, à vostre porte, & à vos yeux, la plus

pestilente heresie, que oncques ait esté. Si vous la souffrez Dieu se seruira d'elle pour executer la ruine de vostre estat. Ne fluctuez plus desormais en ceste deliberation, resouldez plustost de mourir, que d'édurer que vostre peuple soit infecté de telle peste. S'il y a quelqu'un de ses errans qui vueille rentrer au sein de l'Eglise, toute l'Eglise s'en esiouyra, & les Anges mesmes qui sont au Ciel. Mais contre ceux qui sont obstinez en leur impiété, vsez de vostre glaiue, fortifiez vous contre eux d'un preux & hardy courage, & prenant avec vous le secours de la iustice diuine, assailles viuement, approchez les machines & engins de leurs murailles. Ils sont ennemys de Dieu, ils pourront consister deuant vous sentans & aperceuans qu'ils ont affaire à un roy, qui s'aide du secours de Dieu. Voila, Sire, la direction de vostre esprit enuers Dieu.

Pour le regard de vostre police &

deportement ciuil enuers les hommes, deux grosses fautes vous rendēt comptable & suiet à l'ire de Dieu: lesquelles minent l'estat. L'vne est, que les Eueschez & Prelatures Ecclesiastiques sont possédez par des femmes, par des hommes mariéz, par des gens de guerre, & mesmes à gés suspects d'heresie, voire à des heretiques declarez & conuaincus, qui est vn grand scandale. C'est vn horreur que de faict aujourd'huy: le peuple est sans conduicte de pasteur, ny de berger. Il ny à personne qui prenne charge de l'enseigner. Vous voyez que toute l'Eglise Gallicane penche en ruine, que l'heresie jette son venin par tout. Et toutefois au lieu d'y pour uoir de remede & de remplir les Prelatures de saint Ambroise, de saint Athanase, de saint Hylaire, c'est à dire, d'hommes excellents en vertu, comme iadis tels ont esté en semblable saison, pour s'opposer aux heresies & redresser les choses confuses

& difforme.

On tiendra pour tout desploré si  
tes fautes ne sont reparez. Plusieurs  
Euesques d'aujourd'huy n'ayant la  
crainte de Dieu deuât les yeux, sont  
venus à tel peruertissement & preua-  
rication de leus charges, qu'ils repu-  
tent mesmes entr'eux à deshonneur  
de prescher. Nous les voyons tous  
les iours, non pas espancher pleurs  
deuant Dieu, pour appaiser son cour-  
roux qui est aggraué sur nous : mais  
nous les voyons marcher pompeu-  
sement en vostre Cour & ailleurs, a-  
uec vn arroy, & trainee de seruiteurs,  
les plus desbordez qui soient en la  
republique. Leurs maisons ne reson-  
nent point d'Hymnes & des Canti-  
ques chantez a l'honneur de Dieu,  
mais d'abois de chiens, de reclama-  
tions d'oiseaux. Bref il ny a qu'igno-  
rance, que vomissemens, paillardise,  
& scandale en eux. L'aspect seul de  
leur contenance esbranle plus les hō-  
mes a sortir de l'Eglise, que ne font



pas les Ministres & Predicans de l'heresie.

L'autre faute non moins importante qui se commet, est quand on veut les puissances de Iudicataire : & qui conque vous donne ce conseil, vous trahit. C'est la chose la plus destruetive de vostre estat, c'est vn faux profit: car vous n'en receuez vn seul escu, qui ne vous en face perdre cent mille. Il falloit plustost vendre bagues & ioyaux, que de recouurer deniers par la. Les hommes de bien ne sont guerdonnez selon le respect de leurs vertus. Toute vostre beneficence, tous les fruiets & esmolumés qui procedent de vous, sont engloutis par estrangers, & par dix ou douze hommes, non pas pour estre plus vertueux: mais parce qu'ils sont plus priuez de vostre personne.

Orie vous aduertis, Sire, que le plus grand fleau de ce Royaume apres l'heresie à esté l'estranger Italien; il à butiné & butine cruellemēt



toute la France. Vous le fauorisez par trop, il se rit de nostre ruine & s'en aggrandit: il vous à ia fait depiter vne partie de vostre peuple, & fera reuolter le reste si vous ne le chassez bien tost. Il sera chassé par fureur & sedition populaire, avec grádissime danger de tous ceux qui le fauorisent. La voix du peuple qui crie par tout cōtre luy, tellement qu'il est impossible de le plus supporter, & lōgue patience mesprisée, est cause de rigueur sans pitié. Chacun croit que cēt estranger iette la pomme de discorde entre les François: que c'est le Demon qui perpetue la diuision & la guerre, & qui empesche le repos.

FIN.







